



宛委山人詩集卷九

山陰 劉 正誼

吳頭楚尾集

春色十韻

春色盈盈未有涯
柳拖金縷密交加
靴紋綠水三篙滿
裙帶青蕪一道斜
蛟蝶試飛來
小榭鴛鴦初浴睡
平沙碧抽籬
落龍孫筍紅過
隣墻杏子花
山疊輕螺微雨潤
樓垂薄縠淡烟遮
低帆瀟灑尋詩舫
小旆飄揚賣酒家
野岬疎籬飛碎雪
遙天去鳥拂殘霞
醉歸落日華
聊騎香繞東風
油壁車尚有



戒謀

秋千掛隔院彩繩搖蕩儘人誇

人日

簾隙晨光入欣逢人日晴草痕銷雪色鳥語變春聲野水寒膠岸江雲暖傍城東風報花信梅放一枝橫

春日吟懷

如絲小雨滴花梢添得香泥補燕巢檢點春衣防酒渴支分長晝借書鈔苦吟沈約偏工病耽寂楊雄善解嘲正是消魂寒食後離懷忽起遍長郊

將之江南畱別諸同學

處則為遠志出則為小草東山且負慚我敢涉遠道我有數知心濶隔江南表昨夢招我遊密意縈懷抱我行不求名我行不載寶一見縈離悰此行事可了憂復懷諸君他鄉怒如擣

別內

窗前合歡花英英鬪顏色池上鴛鴦鳥雙雙比彩翼豈忍與君離令君傷胸臆管也有高堂溫清供子職今宜志四方其甘老蓬蓽我行不久歸歸恐當復出莫上翠樓看莫怨馬蹄疾

遊子吟

蓬矢懸中堂勗我四方志今朝上征輪不落辭鄉
淚

訪毛西河太史畱贈

紅藥花磚久倦趨蓴絲菰米夢湘湖日星手抉爲
文字泰華肩齊立楷模細雨邀人來綠野斜陽思
舊過黃墟不將簪組誇流輩早薄桓榮是俗儒
充棟書成自不刊頻年握槩暑兼寒魯魚舛後都
鑿正秦火焚來盡補殘畫舫兩湖明月共籃輿十
里好山看感施餘論沾荒帙白葦黃茅足改觀

渡江

春帆侵曉渡江濶霧冥冥柳色籠低岸漁歌起遠
汀潮浮沙渚白山點海門青鷗鳥情何逸洲邊夢
未醒

離思

迢遙水驛接山村杜宇深林韶雨昏纔是一程遊
子路不看芳草亦銷魂

新燕

香泥帶雨溼紅襟小院營巢近綠陰新識朱扉猶
未熟雙雙還趁夕陽尋

烏鎮道中

宛委山人詩集 卷九
細雨迷濛放扁舟欸乃行水連岼草色人雜暮禽
聲風景看旋異鄉關望欲驚柳邊沽濁酒含悶坐
孤傾

雨泊寄內

颼颼日暮打船風千里長烟冒碧空今夜要知何
處宿姑蘇城外雨聲中

姑蘇懷古

歌罷吳趨首獨搔綠波拍岸艤輕舸鶯啼廢苑惟
衰草鹿走荒臺遍野蒿劃破晴煙帆影亂吹殘折
柳笛聲高要離塚畔東風急閒數飛花醉濁醪

響鏢廊

悠悠古跡嘆成塵能事真當數越人拋一浣紗村
女子換爭雄長霸王身

五人墓歌

乳狐宮中惑人主倒持太阿授閹豎有明之祚天
將移依附神奸皆社鼠一朝緹騎來金閭橫興大
獄誣忠良五人奮臂起閭巷抨擊群小如蚤蚩媚
閹義兒恣羅織荼毒吳地不遺力吁嗟志士甘墮
身談笑從容膏斧鑕馬鬣封前碑大書精靈長傍
虎丘嵒塚中骨朽名不朽試掬清泉薦一盃

山塘

不辭雙屐踏香泥
簾幙家家望欲迷
最是流鶯啼處好
綠煙紅雨白公堤

低落春雲水面陰
風前誰和竹枝吟
攜樽欲酌真孃墓
碧草芊芊何處尋

擬唐十律和長洲顧俠君

嗣立

白香山遊讌

酒榼詩瓢趣艷陽
馬蹄終日踏晴光
爲邀紅袖追隨好
肯厭青山應接忙
兩岫柳風吹幔捲
六橋花雨點衣香
西湖真覺如西子
直欲勾留老是鄉

劉賓客懷古

景陽鐘廢久無聲
野水荒烟總繫情
玉樹歌殘花自落
金蓮步斷艸還生
橫戈漫道憑天塹
啣壁終憐出石城
祇有淒涼舊時月
空林照徹夜烏驚

柳河東遷謫

旅魂銷盡許誰親
恰有愚溪好置身
蠻嶺鳥知悲謫宦
瘴鄉天遣識愁人
臥殘薜荔墻頭雨
行遍桄榔樹底春
夢裏分明紫陌上
曙光寒擁覲楓宸

杜司勳街西

斜拂金鈎柳影稀
露涼添火暖春衣
遙憐蠟鳳銷

香閣誰刻銅魚守畫扉對月不離花底坐行雲應
向夢中歸髻絲禪榻情多少佳話憑傳杜紫微

李玉溪無題

滿地梨雲別院中守宮牢護未銷紅調勻麝粉臨
清鏡換罷羅衣待曉鐘瑤瑟無聲銀甲冷香箋有
字錦鱗通情多不敢分明訴鸚鵡偏能學語工

許郢州晚眺

禾黍郊原幾處存平田渺渺帶烟痕微風送雁投
荒渚殘照催鴉赴遠村樵徑雲低籠樹杪漁灣水
落見天根誰橫長笛高樓上一曲關山斷客魂

趙倚樓秋望

柏葉初紅橘半黃空江秋水接天長搗衣淡巷留
殘月吹角孤城落曉霜遠寺山圍鐘破寂荒汀葭
老雁驚涼西風搖蕩東籬菊最是詩人髻易蒼

曹堯賓遊仙

天台何處是仙家采藥曾聞路不賒作意春風生
異草多情流水送胡麻紅珠樹畔調青鳥白玉窗
前剪碧霞一自劉郎入得後再無人見古桃花

韓侍郎香奩

花間卯酒是紅潮暈入冰姿未易消步響笑聽吳

苑牒珮搖愁厭楚宮腰眉梢傳語奉珠箔心字焚
香坐綺寮人似雙星曾不隔漫勞烏鵲夜填橋

于從事宮人入道

長辭青鎖戴黃冠菱鏡無塵仔細看不聽笙歌喧
舞殿靜依星斗步瑤壇帳眠雲母能捐夢書寄麻
姑好結歡祗有宮衣拋不忍花前猶着護春寒

題李開府別業

籬花匝徑紅岸柳垂扉綠古瓦碧參差中有藏書
屋管賢甫下車雅志修初服樽邀元白吟苔踐羊
求足謝傳築東山陶寫惟絲竹何如鄴侯居縹帙

盈千軸流風近百年誰云茂草鞠遺構宛靈光歸
然在人目我來正春暄群卉爭繁縟文鱗躍清池
幽鳥啼喬木俯仰情自澗寧殊在濠濮

宋郡侯招飲枕流草堂即席分賦

酒載芳園坐綠莎青衫香染落紅多已無塵事爲
身累遂有幽禽作意歌醉客花時常恨少困人觴
政不嫌苛笑尋片石聊題句白月紛紛挂薜蘿
瘦石清流景最奇招遊不減習家池綠楊樓畔鳩
呼婦紅藥闌前燕哺兒一醉當筵還顧曲三分刻
燭任催詩解攜莫惜匆匆別今歲重來未可知

春江雨

江雨暗江雲濃瀟瀟浙浙鳴孤篷岸花曉溼千枝
紅綠波東去渺無際歸雁一行斜掠風春江雨客
子舟亂山多阻夢芳草密牽愁凝眸最是魂銷處
誰抱秦箏凭高樓

書所見

剪就輕羅驕舞燕粧成薄髻鬪寒鴉客心正在無
聊際誰遣風開墻外花

飲毘陵章刺史亦山堂出示所藏古墨即以數笏見贈賦謝

芸窗經歲暗塵鋪欲寫寒鴉筆久枯忽捧豹囊看
劍脊似從鮫室得彳珠狂思米老舒袍染醉學張
顛散髮濡千里歸囊有數笏硯田今不笑荒蕪

丹陽舟中

篷窗獨坐思紛然萬綠陰中過客船集壠鳥如投
碧嶺過橋人似入青天柳花遠近閒相舞竹纜參
差喧共牽欲問金鶯何處瘞寒雲漠漠草芊芊

鎮江城下作

客路經初夏空江望渺然斷橋橫落照遠水出寒
烟樹影維揚郡潮聲北固船隣舟無謝尚高詠復

誰憐

雲中帆影疾點點夕陽橫橋歷千秋古樓傳萬歲
名迎舟飛鳥沒拍岸亂濤生海色金焦外偏傷逆
旅情

登金山寺長歌

大江遠自岷峨源東來萬里趨海門殘霞風吹飛
縷縷扶桑擁出珊瑚盆中流一峯突兀起近對焦
嶼雙鰲蹲琳宮金碧炫人目五色映射銀濤翻浮
屠高聳柱空際躡級直可呼天閻南顧潤州北瓜
渚帆檣櫛比如雲屯秣陵烟樹二百里身非健翮

難騰騫茲山閱歷幾人代蛟潛虬伏蟠其根空洲
斷渚鷗上下蕭蕭故壘今無存憶昔蘄王宿虎旅
旌旗直奪金人魂吁嗟天意別有在偏安不復收
中原老僧牽綆招我坐中冷一汲祛囂煩須臾遙
指海雲起潮痕石齒相頷歎篙師催客渡江去情
移心爽同誰論曜靈匿影景奇絕推篷長嘯傾匏
尊

揚子江

揚子長江內襟懷盪太寬任人啣尾渡獨自掉頭
看日月中流浴蛟龍到底蟠南風橫掃面入夏似

秋寒

江濶兩峰峙真如耐久朋風檣環鐵甕雪浪接金陵萬古限南北千秋幾廢興茫茫天塹外白鳥任高騰

瓜州道上口占

風風雨雨渡關河千里尋遊別澗阿笑覺我身勞若此不知人面近如何辦攻愁法惟花酒計遣懷時托嘯歌隋苑吳宮行遍去祇要詩挾一囊多

家觀察莊川叔邀遊平山堂題壁

我來遊維揚獵獨車與馬酒肉味腐腸街衢塵沒

蹀風俗總繁華地土苦窪下思欲快登臨如於天難假愛茲平山堂真遊曠垠野岡阜形蜿蜒樓臺勢豁開雙目拓無邊襟懷足陶寫萬山環隔江魚魚而雅雅古井蓄名泉疎鐘出蘭若長松飽清風滿耳奔濤瀉此為古竹西歌吹今已寡月觀及風臺淪埋無片瓦獨見六一公千秋情瀟灑緬彼政事餘賓從恣游冶美人擎芙蓉芳筵侑殘筭悠悠六百年解此嗟誰也夕照盈平田欲歸心不捨

維揚懷古

花落隋宮碎作泥玉鈎斜地草萋萋苑飛螢火還

宛委山人詩集 卷九
疑放樓到仙人無可迷螺墨画殘新月巧簫聲吹
徹晚雲低繁華何必群相競盡散香塵送馬蹄
董相祠中奉辦香平山堂上憶飛觴古人蹟有千
年韵今我詩畱一代狂錦纜罷牽新柳岬玉釵耕
出舊雷塘江都自咎群為夢喚煞啼鴉在夕陽

同蓉邨吳四丈至淮陰舟中拈贈

花底樽罍月下船稽陰十載快周旋鷓鴣詩好人
爭識鸚鵡才高天不憐白舫烟波乘興往紅燈風
雨對愁眠須知同向長淮意直要千秋作話傳

露筋祠

貞祠臨古道流水起清瀾不許青蠅玷甘聽白鳥
殘靈旗飄月靜玉珮坐風寒失足士君子休教入
廟看

韓侯釣臺

冤血空憐染劍痕釣臺遺蹟至今存總教長佩三
齊印不及河邊一飯恩
窮通信可聽蒼天賤日王侯似目前不聽徹言何
必悔英彭無復後人憐

漂母祠

荒祠仰遺像千古有誰同識過重瞳子恩先隆準

公扉臨淮水月臺冷釣絲風漂蹟知何處晴煙一
片籠

前題次和蓉村

祠滿蘼蕪色正芊畱題偏乏筆如椽

時同蓉邨流覽四壁竟無佳句可諷

橫波古岸千年在野火長陵幾度燃試問分殮非

望報如何蓐食不終憐

韓侯嘗寄食南昌亭長其妻患之乃晨炊蓐食後責以為德不卒

祗

因識得垂竿客多少英雄拜母前

懷梅垞家弟

兄弟情親忽遠離一帆煙水繫遙思料應坐我吟
詩屋樓指光陰話客兒

銅雀硯歌

望陵妾散高臺圯碧瓦漂零墮江水沙埋浪洗已
千年色黝形堅潤無比製成古硯世所稀建安歲
月分行紀黃琮蒼琥差許同價壓端溪與龍尾阿
瞞竊鼎漢業淪築臺鑄雀臨漳濱筵前妙舞朝復
夕坐上嬌歌秋兼春繁華銷歇英雄老風淒月冷
飛埃塵硯兮硯兮昔為瓦曾覆分香賣履人

上河院張運青先生

早織天孫錦作裳名齊北斗正垂芒黃流騰奔才
輕奠丹篆含咀語盡香夢逐吳雲飛渡水身同越

烏想依陽何緣得入懸鈴閣問字庭前舉十觴杜詩

主稱會面難
一舉累十觴

夢夏千兩亡兒

獵獵長淮夜半風傷心淚透枕函紅小墳一尺乾
如粉還向他鄉近乃翁

黃河

地脈此中坼湯湯自古今風雷時鼓盪星宿夜浮
沈源直來天遠流紛到海濱不知張博望何處泛
槎尋

決排思禹蹟人始不為魚連野沉雲脚浮空浴日

車蛟宮千派列鵬翼百帆舒欲覓安瀾處移舟就
老漁

別淮陰姚刺史息園

高歌梁父臥林丘一葉飛來淮海舟不為求名謁
玉局豈因貸粟向監侯十年夢結關河想千里身
為汗漫遊五馬風流行欲隔歸船載去許多愁

自清江回邗上寄書內子系一絕句

言語無多慰遠情頗能到處有逢迎祇慚才遜樊
川杜未博青樓薄倖名

別友人

雲飛馬首路漫漫酒盡河橋欲別難
攜取君詩消旅况水邨山店剪燈看

驚秋

井梧風乍剪蕭瑟墮秋聲浮客偏增感
棲禽亦自驚斷烟沉遠水片月上孤城
誰弄高樓笛關山無限情

題旅驛

勞勞岐路客孤店對燈花天遠一行雁
林寒幾點鴉旅懷聽雨碎鄉夢畏雲遮
不寐頻搔首長嗟鬢易華

秋江夜泊寄故人二首

聽盡雲邊斷雁聲鯉魚風細浪花平
扁舟獨繫楓林下愁對江天片月明
六幅蒲帆向晚收荻花楓葉一江秋
推篷目斷烟波外遙夜知君獨倚樓

秋林讀書圖

近山遠山如障列木落溪寒景幽絕
清風埽門客到稀紅蓼白蘋紛可擷
此中有人坐晴窗髹几無塵萬卷閱
青眼時時對簡編靜研丹鉛補殘缺
扉前高樹半籠雲屋後流泉常噴雪
展圖歷歷已神

遊似我書堂渾不別

玉衡堂讌集分賦

修竹疎梅遠俗情
名流駢集聽秋聲
烏尋紅樹枝頭立
人在黃花徑裏行
捲幔看雲爭得句
倚樓邀月更飛觥
酒酣笑睨旁觀說
天下才看此地并

夢故山

夢中還識路迢遞
向南天樹暗蟬聲
裏雲低馬首前
遙看吳水淼
寂對越山妍
可惜殘更急
驚回祗獨眠

旅夜寄山中故人

江天雁過暮雲屯
譙角吹殘月欲昏
遊似客兒雙屐敝
懶如叔夜一琴存
窗前黃葉催詩句
燈下青衫浥酒痕
就可重尋鷄黍約
薜蘿溪處叩衡門

題人月雙圓圖

初三月如鈎
十五月如鏡
照見合歡花
恰與人相映
同賦定情詩
更闌不曾寐
花香吹上衣
春風解人意

天香染郎髻
靈藥駐妾顏
嫦娥兩相許
含笑在雲端

玉貌竝闌邊金鏡懸天上不學女牛星年年隔河
望

宛委山人詩集卷九

宛委山人詩集卷十

山陰 劉 正誼 戒謀

臥龍吟弓

獨酌

適彼春園晨露潏潏有鱖濯鱗有鳩拂羽我心則
懌載笑載歌俯臨清池仰視喬柯落英繽紛隨風
沾袂豈無良朋思之不至爰酌我酒爰撫我琴先
民樂此匪自於今遊焉息焉翳然林木鳥鳴嚶嚶
胡藉絲竹曠觀千古師吾伯倫幕天席地達哉斯
人

清白堂燈夕讌集十一韻

琴鶴風清繼管賢湖山坐擁敞芳筵九衢月淨年
華麗萬井花明夕景妍禁弛金吾春似海談揮玉
塵吏如仙巡簷香細梅凝雪拂檻絲輕柳帶烟火
鳳飛回雲錦爛燭龍啣出夜珠圓闔藏綺席傳杯
竿曲譜新聲入管絃拓地醉鄉憑綠蟻張軍詩壘
倩紅箋薄寒遍炷衣篝護殘漏重添寶炬難合樂
樓臺猶雅奏踏燈士女尚喧聞星橋一道餘光在
歸路渾忘欲曙天

踏青詞

寒食初過百五朝草痕添綠鬪裙腰黃鸝也解遊
人意啄碎桃花扇底飄

春皮湊艷欲平堤堤上風柔蝶影低一色雲鬟花
下立爭看雙燕蹴紅泥

花疊文茵匝地鋪輕舸如織似飛鳧恨無周昉生
香筆画出春風上巳圖

群群倭髻試新粧踏遍春陽日漸長多謝東風情
不薄綠楊影裏送衣香

閒居雜興

徑僻稀塵轍衡門竟日開籬疎移竹補庭空去聲乞

宛委山房詩集 卷一
花栽坐月閒翻帙看雲數舉杯烏衣情不薄還認
舊巢來

春來幽事足才拙得身閒琴榻調絃細詩瓢檢句
刪亂紅雙蝶過淡綠一鶯還笑向池邊照纖塵不
上顏

蘭亭讌集

春華被草木彌望皆芳鮮崇山落遙翠修竹籠輕
烟憶昔永和歲祓禊來群賢觴詠臨清流勝事千
年傳人生貴曠達世網毋拘牽茲遊繼前哲愔然
塵慮捐樵唱出幽谷農歌起平田娛目送歸鳥夕

照高峰懸列坐共浮白林花晚更妍

春蚤

卯酒杯濃一笑拈天桃初放雨廉纖風姨須惜春
衣薄莫送輕寒入畫簾

懷雪堂易堂日下

幾年南北嘆離羣攪夢鶻聲醒後聞新漲繞門懷
舊雨亂山當檻賦停雲衣香每憶分時坐燭跋難
忘夕論文何日歸來重過訪練裙還寫贈羊欣
目送歸鴻過遠天
毳毼垂柳挂晴煙
夢尋剩水殘
山外心折飛花落絮前
此日臨風凭檻望
幾時聽

宛委山房詩集 卷十
雨對床眠賀家湖上春波綠閒殺當年載酒船

鶴泉閩中見寄武夷茶

無諸國裏山多奇千峰九曲稱武夷中產靈芽異
他苑雨露長養疑何私憶昔君謨官斯土歲採春
旗滿筐筥龍文鳳彩巧製成香味寧須矜顧渚耽
吟正苦唇吻乾詩脾久渴雙眉攢遠方之珍忽馳
至絕勝月形三百團盧玉川陸鴻漸此茗當時恐
未見還留千片待君歸同煮寒泉為白戰

楊柳

陌上啼鶯幾樹春千絲萬縷拂輕塵政和坊裡曾

多鍾值得香山句子新

纔舞東風態便柔銷魂橋畔蘸春流長條任染青
青色少婦如今不解愁

題李三山主政養真軒

叢桂森森一畝園擘窠字署養真軒濬池種石雲
光冷藝樹裝欄花影繁身是函關百二尹
傳道德五千言湘簾掩處藏丹竈守箇仙姬櫻口

樊

梓澤蘭亭嘆久荒平泉重得覩新莊情貪丘壑真
堪羨癖是烟霞最不妨竹迸輕雷穿隔圃花飛晴

雪過隣墻我來長破梨雲甕掛幘松枝送夕陽

送友之都

扁舟向晨發兩岼春潮平楊花高下飛黃鳥鳴嚶
嚶念子及佳日飄然事遐征河橋緩去棹斗酒相
與傾我欲幽燕遊迂拙愁逢迎市琴不敢碎破硯
甘淡耕子今握行卷文彩如鷓鴣閭闔恣翱翔能
令萬族驚昭王隔千載蔓草金臺生驅車過其間
勿忘懷古情

落英

惆悵枝頭急雨摧香銷艷冷綴莓苔呼童疊作紅

茵坐肯負東風細剪裁

古鏡篇

一規如水寒無波盤龍半蝕歲月多秦歟漢歟非
近代美人妝閣曾摩抄翠暈紅凝渾不改背面時
時露光彩誰將繡纈覆香奩乍掩月輪雲鬢隸當
年鑄此真良工晶瑩不受纖塵朦窺殘笑靨珠簾
下照遍愁容永巷中古時銅片今時寶花映清輝
洞房曉殷勤傳語綠窗人莫遣朱顏暗中老

柳花

東風撩亂起迷望儘堪吟帶雨離人淚

宋人詞細看來不是楊花

點點是
離人淚
沾泥禪客心
淡烟隋苑路
斜日漢川陰
莫逐
春波遠
浮踪無處尋

杜少君輓詩

巫雲飛去夢難溫
滿院梨花月浸門
淡墨封塵箋
色冷遺簪挂壁髻
香存有愁聽斷簾
邊佩無術招
還幄裏魂一桁
羅衣粧閣閉
東風休損舊脂痕
漫勞鶯語隔牕紗
瑤瑟絃摧雁柱斜
翠帳空留神
女枕紅蕉偏謝美人花
飛歸月窟長餐藥
望去星河阻
泛槎玉冷香殘消息杳
誰將錦字寄天涯

午睡

謝豹聲中晝漸長
綠槐移影覆藤床
吟餘倦枕殘
編臥猶有飛花入夢香

謝客

謝客消殘暑
閒眠倚石床
烟凝楊柳細
露滴藕花香
高樹浮新雨
平陂澹夕陽
臨風垂釣處
幽興托
濠梁

寄壽南湖庶常

綠樽曾記醉紅亭
別後煙蕪幾度青
馬上西山看
入畫雲中東觀坐
譚經懷君乙夜添
宮錦笑我丁
年倚釣舫
驛路三千成
遠隔夢飛猶得到
槐廳

聽月軒飲月歌

聽月軒中無主客弟兄師友永朝夕半庭梅影隔
窗幽數畝竹陰連檻碧棲禽不驚夜氣清長風為
掃浮雲迹須臾湧出爛銀盆空際飛光滿軒白小
几團坐閒庭中梨花甕倒飲真劇初離海嶠着烟
籠徧映層簷疑雪積升沉圓缺自古今豈有蟾蜍
能食魄流輝瀉影入淡杯引滿狂歌不辭百白榆
漸稀月更明仰視長天岸輕幘醉橫鐵笛倚危欄
欄外霏霏濃露滴一聲喚起廣寒人看我凌虛生
羽翮

寄石庭

丈室維摩最繫思終年絕少出山時梅開坐落三
更月蕉展書殘萬卷詩閒采蕨拳憑不借細疏泉
脉汲軍持相期共證無生事古瓦鐺邊啜芋糜

中秋月

南樓洗盞盡餘歡攬取清輝照醉顏一自霓裳聲
斷後至今無曲落人間

秋望

秋空淨無翳野望更悠哉樵徑林中隱漁扉竹裏
開歸鴉背日去征雁帶雲來清景留人久坐淡黃

葉堆

月夜

庭際流光徧露苔看更明葉飛初見影砧動漸聞
聲獨鶴醒還唳栖鳥靜不驚更闌坐無寐石上一
琴橫

送傅良木王露入洛

四海誰容我放狂短衫輕幘隱東墻風流地最懷
金谷磊落人今適大梁把盞傾將新酌滿搖毫吟
出古愁長休勞看月疑顏色累汝低頭思故鄉

古別離

短亭五里短長亭十里長短長亭畔路千古斷人

腸

同羅弘載徵君坤宿山寺觀月

我是謝客兒日愛窮幽渺芳洲杜若馨湖光一何
皎楓葉老空潭斜陽沒飛鳥青山嵐氣橫秋風吹
嫋嫋紛此逸遊興誰同恣搜討一舟前浦來獨向
孤雲杳空谷有高人優繇共遠眺浩歌白石橋待
月寒蘿島

行行拾斷雲返照穿石壁策杖翠微深寒裳綠蘿
密遠峯晚樹青明湖秋月白松子下前林風吹寺

宛委山人詩集 卷十
鐘出靜者喜同心幽窗竹烟碧支許叩清談宵分
不能畢顛頤丈室眠落葉夜蕭瑟

送思亭北上

嗚呼悲莫悲兮魯生爾何不一事不解為蚩氓出
作入息安愚慙空山佩犢藏深耕爾何不一丁不
識中心盲老蒼不妒人不驚鮮衣美食樂晨夕馮
榮席寵登公卿爾何不於天為雲為星漢高懸直
上人誰櫻爾何不於地為花為草木無憂無慮安
衰榮傷矣哉禮樂豈真成甲冑詩書那可為干城
賊也含沙狐吹火魯國曾參能殺人緹騎如狼官

如虎蟣虱命視書生輕頸何累累身若若銀鐺遍
繞鳴鏜錚痛矣哉一家仕宦徒壁立廿年黃卷難
成名弟南兄北骨肉散掀天大難來砮砮長江九
月秋風烈舉目無依身長征憶管門庭多親戚通
無易有朝朝盈憶昔華堂多朋友指天瀝血聯心
盟冷眼相看誰復問恐相波及甘無情身白衣冠
來劉子呼暑雙淚交縱橫寸莛黃鐘撞不得車輪
螳臂安能爭沉寃誰雪李昭德平允但望于廷評
珍重魯生畱舌在嗚呼悲莫悲兮魯生

素堂歸自蜀中過齋見訪喜贈四律

右丞聲價重人寰行李欣從隴蜀還萬里風塵來
竹逕百年朋好對松關屏簾羃羃秋深雨煙靄迷
離日暮山一榻多時懸未下看君那得不開顏

奇才到處盛逢迎蜀道偏如平地行綺閣長歌三

婦艷素堂蜀中納麗姬三人翠盤日飫五侯鯖竹公石佛酣吟

咏蠻女巴童熟姓名慚愧草堂杜老子饑寒難出

錦官城

酒旗歌扇管相猶韻事都從別後休錢起吟魂銷

北地錢石渠中翰徐陵麗思散西州徐西來學博市多車馬驚心

避天與鶯花着意收今日樽壘親對汝不須信在

夢中不

風流占絕好王郎佳話津津數未忘彩筆吟鐫高

玉壘素堂入蜀詩盡勸玉壘峭壁過其下者輒諷誦不能去綺樽歌擁小金香蜀妓名

極天鳥道行何險入峽猿聲聽不傷笑我年年如

蝟縮豪情忽覺為飛揚

九日李天山登瀛王素堂鶴齡施蓮溪敞

朱查軒悅仁余玉京懋杞章藥夫大來詩

巢讌集即席分賦

劃破秋雲雁一行翠微深處共持觴看飛紅葉千
村艷笑插黃花兩鬢香座上人無桓景厄酒邊客

有孟嘉狂登臨須盡豪吟興莫負同攜古錦囊

天山以四律見贈次韻和答

白也風流四十年文雄詩傑一身兼半生仗義人
爭倚垂老成名天可憐走盡關山不憚瘁著盈笥
簾總堪傳良辰喜共蘭舟上莫怪從旁看作仙
短槳輕鞭號漫郎姓名到處實生香夢從屠狗遊
燕市笑看時人在醉鄉夸甫清談不是學正平俗
態豈成狂經天緯地尋常事且息行踪魚柳塘
紛紛流輩博詩名一似身沾華袞榮鳳不來巢高
振響蛙宜藏井亂爭鳴溪山雲月新吟壘顧及君

廚好友生白首聯盟推領袖寸心人盡爲君傾

九月秋看景色闌疎林蕭瑟葉聲乾蒹葭水落明
湖潔楊柳烟生晚寺寒百幅紅箋詩共戰千巡綠
筭酒誰寬回撓要共荒齋去籬菊還堪供夕餐

辛卯秋闈房師武進唐益功先生呈作解
首主司欲置魁列爭論經句竟被黜落江
浙諸同學各以詩見慰四絕奉答

飄飄夢入廣寒宮獨步瓊樓玉宇中冷磬一聲人
忽醒秋香兩袖散天風

今年花樣欠分明辜負尋芳客與爭知是天公主

不得徒教殘卷博虛名

余落卷未曾領取已遍省傳抄

斷簡殘編補綴勞依然蕉萃守林臯多情同學休

爭憤身似虛舟任所遭

撲簾疎雨溼晨光愁聽西風起柳塘十曲闌干遍

徙倚秋雲低處雁聲長

題城隍神廟壁

琳宮瓊宇接三台滿聽松濤似怒雷棋布湖山簇

殿陛星羅煙火擁樓臺畫圖誰設千秋對風景多

情四面開莫訝神居占獨勝臥龍原號小蓬萊

卧龍山頂

忠義書傳姓氏香崇封歷代著王綱山河百戰功

原偉俎豆千春享合長慶戴不忘新士女英靈仍

撫舊封疆雲車風馬應來往褒鄂相從話李唐

龐名王唐書忠義傳載從太宗屢立奇功為越州總管卒贈工部尚書幽州都督

潦倒書癡命不辰半生欲過守江濱椿萱並謝恩

空負筆墨無靈鬼亦嗔祗覺艱艱身似鶴徒憐髻

髻昔呼麟仰天天遠殊難問淚透青衫訴與神

蒼蒼禍福最分明肯許凡間有不平三峽水波嘆

世故九秋雲影笑人情畫梁綺幕豺狼臥寶馬朱

輪狐鼠行何事射鵰宜好手英雄閒殺兩空擎

晚晴

溼雲飛已盡霽色入空庭新月一鉤白遙山數點
青殘花閒弄影暮雀倦梳翎更愛湖光好漁歌倚
檻聽

偃山溪上尋宋之問題名處

昔人曾攬勝摩石紀來遊漸覺荒榛翳空餘野水
流清才驚一代遺跡歷千秋祇恐風霜蝕他年不
可求

沈石田千巘萬壑圖

中明畫手誰交宗神妙均推石田翁五日一山十

日水落筆恥與凡流同荆關倪黃差並駕老氣橫
絕操神工山陰道上景無盡應接不暇疇能窮此
翁拈毫濡墨具奇想千巖萬壑位置生綃中初摹
鑑湖八百里水光澹沲連長空小橋參差柳色綠
野岸深淺花枝紅左縈右帶儼屏障飛泉噴雪鳴
淙淙更寫耶溪接宛委插天群岫何崑崙細艸如
煙覆樵徑蒼松欲吼環琳宮忽看茫茫列原隰去
鳥滅沒垂長虹芳洲遠浦雲樹簇漁村蟹舍烟波
通經營慘淡意未足茅亭更寫幽人踪吁嗟乎越
人生長巘壑內求田問舍貨爭雄有佳山水絕不

識如日以紙蒙雙瞳石田拈此示誰子幸矣不委
塵埃封我得展圖卧遊於其下簷楹戶牖颯颯來
清風

西陵返棹

高低市火映寒流入夜西陵獨放舟復見荒烟迷
客路曾聽疎雨臥僧樓水連村碧砧聲寂霜染林
紅鳥夢幽明月河梁回望處隔江雲物尚勾留
輕風簇浪細如花百里清江夜色賒心惜峰巒偏
易別身耽鷗鷺喜還家寒鐘野寺參差吼譙鼓嚴
城歷亂搗認得村西賣酒店紅闌杆曲小旗叉

坐雪

北風吹零葉颯颯當軒鳴葉聲聽未已六花彌前
楹方規與圓璧不假追琢成凭几靜相對冷然肌
骨清干人固不可高臥殊矯情何如擁圖史溪宵
藉餘明妙理在濁醪勿惜紅螺傾管人際此景興
會各有營或則誇高潔瓦鼎瑤姬烹或乃侈豪華
絳蠟金釵擊吾於二者間遐思安可并將為陶承
旨其為宋子京

宿雲中寺

晚入花宮徑松陰窈窕通月飛千嶂白林隱一燈

紅鳥影沉蒼茫上聲鐘聲落遠空悠然塵慮息今夕
宿雲中

擁爐

樽綠地爐紅夜雪飛如掌狂醉自呼仙羞着王恭
斃

詩思灞橋中驢背吟殊苦何似對檐梅寒宵送賓
主

懷詩巢諸同學二十韻

離情真似萬絲稠歲晚朋稀憶昔遊千疊亂山當
戶立幾灣野水傍橋流參差吟屋花淡掩迢遞旗

亭柳半凋林外暗香梅動影簷前圓暈月當頭燭
催險韻連宵刻篋貯奇文竟日搜天遣烟霞供嘯
傲人探巖壑任勾留阮狂嵇懶何妨癖宋艷班香
合與儔三拜禮教識者重一囊錢笑彼哉求高僧
開社容耽酒良吏知名為索舟紅袖捲簾聽白雪
素琴橫几坐清油追呼詩債髭常斷跌宕詞場轄
互投落落曉星客共散蕭蕭夜雨我偏愁夢中覓
路迷難辨衫上多痕積莫收頻檢舊書當近晤每
貽新句宛親酌魂銷南浦還生草迹冷西園一任
秋豕鹿總非吾輩願稻粱甘讓鄙夫謀劍能龍化

寧埋獄冠欲蟬聯肯作囚未免有情思往事那堪
無力逐前矛雁行過盡應同感望遠懷歸各倚樓

宛委山人詩集卷十

